

Na osnovu provedenog postupka u skladu sa Zakonom o javnim nabavkama Bosne i Hercegovine, ("Službeni Glasnik BiH", broj 39/14), a na osnovu provedenog konkurentskog zahtjeva za dostavu ponuda, broj: 05.12.100-3144-1/19 od 29.04.2019.godine, te Odluka o izboru najpovoljnijeg ponuđača Direktorice J.U. Zavoda za javno zdravstvo Kantona Sarajevo, broj: 05.12.100-3144-Odluka o izboru/19 od 16.05.2019.godine, kojom je prihvaćena Ponuda ponuđača „ALPHACHROM“ d.o.o. Sarajevo, kao najbolje ocijenjena ponuda, za potrebe J.U. Zavod za javno zdravstvo Kantona Sarajevo, zaključuje se slijedeći:

## UGOVOR

### ZA JAVNU NABAVKU APARATA ZA ODREĐIVANJE ŽIVE

#### I UGOVORNE STRANE

**J.U. ZAVOD ZA JAVNO ZDRAVSTVO KANTONA SARAJEVO**, ulica Dr.Mustafe Pintola broj 1/III Ilidža - Sarajevo, identifikacioni broj:4200329950003, koga zastupa prof.dr.med.sci. Aida Pilav, direktor (u daljem tekstu: Ugovorni organ)

i  
„ALPHACHROM“ d.o.o. Sarajevo ul. Podgaj br.8, identifikacioni broj: 4200953850005, koga zastupa Ajla Kadrić, (u daljem tekstu: Prodavac), zaključili su:

#### II OSNOV ZA ZAKLJUČENJE UGOVORA

Osnov za zaključenje ovog Ugovora je Odluka o izboru najpovoljnije ponude za nabavku Analizatora žive broj: 05.12.100-3144-Odluka o izboru/19 od 16.05.2019.

#### III PREDMET UGOVORA

##### Član 1.

Predmet ovog Ugovora je nabavka, isporuka i instalacija Analizatora žive, prema tehničkim specifikacijama, navedenim u Tenderskoj dokumentaciji za nabavku roba Ugovornog organa, broj: 05.12.100-3144-1/19 od 29.04.2019. godine, kao i u Ponudi Prodavca, br. 90035/2019 od 15.05.2019. godine, koje čine sastavni dio ovog Ugovora.

##### Član 2.

Analizator žive (u daljnjem tekstu: roba), Prodavac je dužan isporučiti i instalirati prema svojoj Ponudi, te po uputstvima Ugovornog organa i u skladu sa važećim tehničkim propisima, pravilima i standardima.

#### IV CIJENA I NAČIN PLAĆANJA

##### Član 3.

Ukupna vrijednost ugovorene robe definisane u članu 1. ovog Ugovora iznosi: 39.897,00 KM (slovima: tridesetdevehiljadaosamstotinašesdesetsedam KM).

U ukupnu cijenu iz stava 1. ovog člana, uračunat je PDV.

Cijena je fiksna i ne podliježe nikakvim promjenama za vrijeme trajanja Ugovora.

Ugovorni organ se obavezuje da će ukupni iznos iz stava 1. ovog člana isplatiti na račun Prodavca broj: 1344601000759080 otvoren kod ASA BANKA DD.

#### **Član 4.**

Ugovorne strane su saglasne da će Ugovorni organ ukupnu vrijednost iz člana 3. stav 1. ovog Ugovora isplatiti u roku od 30 dana od dana isporuke i instalacije robe, ako prilikom primopredaje Kupac nema primjedbi na isporučenu i instaliranu robu.

U slučaju da se prilikom primopredaje robe, konstatuju nedostaci i odstupanja od tehničkih specifikacija datih u Ponudi br. 90035/2019 od 15.05.2019. godine, Ugovorni organ se obavezuje da će isplatu izvršiti odmah, a najkasnije u roku od 10 dana, nakon što Prodavac otkloni nedostatke konstatovane u Zapisniku o primopredaji roba iz člana 8. stav 1. ovog Ugovora.

### **V ROK I MJESTO ISPORUKE**

#### **Član 5.**

Prodavac se obavezuje da će robu iz člana 1. ovog Ugovora, isporučivati i instalirati najkasnije u roku od 45 dana od dana potpisivanja Ugovora, na adresu koju odredi kupac.

#### **Član 6.**

Ugovoreni rok isporuke robe iz člana 5. ovog Ugovora, može se produžiti u slučaju:

- nastanka više sile ili drugih okolnosti koje Prodavac nije mogao predvidjeti,
- kada ugovorne strane sporazumno produže ugovorni rok.

#### **Član 7.**

Ukoliko Prodavac svoje obaveze, zbog dejstva više sile ili nastanka nepredviđenih okolnosti, ne može ispuniti u periodu od 60 dana, Kupac ima pravo na raskid Ugovora.

### **VI KVALITET ROBE**

#### **Član 8.**

Prodavac se obavezuje da isporučena roba iz člana 1. ovog Ugovora, bude traženog kvaliteta i karakteristika, odnosno kvaliteta i karakteristika koji je dao u svojoj Ponudi, br. 90035/2019 od 15.05.2019. godine, a koju je Ugovorni organ odabrao kao najpovoljniju.

Kvalitet i karakteristika robe koja je predmet ovog Ugovora, kontrolisat će ovlašteni predstavnici Prodavca i Ugovorni organ.

Primopredaju robe između Prodavca i Ugovornog organa izvršit će ovlašteni predstavnici Prodavca i Ugovornog organa.

O navedenoj primopredaji robe sačinjit će se Zapisnik o primopredaji, odmah, a najkasnije u roku od 24 sata, od prijema i instalacije robe, koji će potpisati ovlašteni predstavnici Prodavca i Ugovornog organa.

### Član 9.

Sva eventualna odstupanja i nedostaci, prilikom primopredaje robe, konstatovat će se Zapisnikom o primopredaji robe.

Prodavac se obavezuje da će primjedbe konstatovane Zapisnikom o primopredaji otkloniti, o svom trošku, odmah, a najkasnije u roku od 15 dana, od dana potpisivanja navedenog Zapisnika.

Ako u navedenom roku Prodavac ne otkloni primjedbe konstatovane Zapisnikom o primopredaji robe, Ugovorni organ zadržava pravo da raskine Ugovor.

## VII OBAVEZE PRODAVCA I UGOVORNOG ORGANA

### Član 10.

Prodavac se obavezuje:

- da će ugovorene obaveze izvršiti blagovremeno, u ugovorenom roku, stručno i kvalitetno u skladu sa važećim tehničkim normativima i standardima, sve prema dostavljenoj Ponudi;
- da će odrediti stručna lica koja će rukovoditi izvršenjem poslova isporuke i instaliranja robe.
- da će Ugovornom organu omogućiti nadzor nad vršenjem isporuke i instalacije, te da će na njegov zahtjev obustaviti isporuku i instalaciju robe ukoliko se utvrdi da se ista izvodi nekvalitetno i mimo tehničke dokumentacije;
- da će snositi odgovornost za štetu u toku izvršenja ugovora nastalu radnicima Prodavca ili trećim licima,
- da će posebno obratiti pažnju da prilikom isporuke i instalacije robe, ne nanese štetu unutar prostora ili susjednih prostora, a ukoliko se ista desi, da će je otkloniti o vlastitom trošku;
- da će u toku isporuke i instalacije robe, kao i po završetku cjelokupnog posla iz prostorija gdje je vršena instalacija robe ukloniti sav višak materijala i opreme, te da će iste očistiti;
- da će u najkraćem roku otkloniti eventualne nedostatke koji mu budu predočeni prilikom primopredaje roba iz člana 1. ovog Ugovora od strane ovlaštenog lica Ugovornog organa;
- da će prilikom primopredaje roba iz člana 1. ovog Ugovora, Ugovornom organu predati uputstva za rad na isporučenoj i instaliranoj robi, koja moraju biti napisani na jednom od službenih jezika u Bosni i Hercegovini, kao i svu potrebnu prateću dokumentaciju za istu i to: garantne listove za ponuđenu robu iz tehničke specifikacije, certifikate o kvalitetu isporučene robe i kalibraciji, ateste, licence i drugu tehničku dokumentaciju;
- Da će izvršiti edukaciju osoblja koje Kupac odredi.

### **Član 11.**

Ugovorni organ se obavezuje:

- da će osloboditi prostorije u kojim će se instalirati roba u maksimalno mogućoj mjeri;
- da će izvršiti uplatu ukupne cijene vrijednosti ugovorene roba iz člana 3. ovog Ugovora, na način i u roku utvrđenom u članu 4. ovog Ugovora;
- da će pismeno obavijestiti Prodavca o svakom eventualnom propustu Prodavca u odnosu na pitanja utvrđena ovim Ugovorom.

## **VIII GARANTNI ROK**

### **Član 12.**

Za isporučenu i instaliranu robu važi garantni rok od 12 (dvanaest) mjeseci. Garantni rok teče od dana kompletne isporuke i instalacije robe.

### **Član 13.**

Prodavac snosi odgovornost za sve manjkavosti, odnosno nedostatke vezano za isporučenu robu, koje se mogu javiti ili nastati tokom garantnog perioda, pod uslovom da se roba koristi i održava u skladu sa uputstvima za njenu upotrebu i sa preporukama Prodavca.

U garantnom roku, Prodavac će na osnovu pismenog ili usmenog zahtjeva Ugovornog organa, o svom trošku poduzeti mjere popravke, zamjene ili će na drugi način otkloniti uočene nedostatke na robi.

Prodavac se obavezuje da će u toku garantnog perioda pružiti servisnu podršku za predmetnu robu u okviru ovlaštenih servisa na teritoriji Bosne i Hercegovine i to u vremenskom odazivu ovlaštenog servisa maksimalno 24 sata od vremena prijave kvara od strane ovlaštenih lica Ugovornog organa na lokaciji gdje je instalirana.

Ukoliko se Prodavac ne odazove i ne otkloni nedostatke ili ne izvrši zamjenu u rokovima utvđenim u stavu 3. ovog člana, Naručilac stiče pravo da za otklanjanje nedostataka ili za izvršavanje zamjena angažuje drugog izvođača i da nastalim troškovima tereti Izvođača.

## **IX UGOVORNA KAZNA I RASKID UGOVORA**

### **Član 14.**

Ukoliko Prodavac ne izvrši svoje obaveze u ugovorenom roku, dužan je da, Ugovornom organu za svaki dan zakašnjenja plati ugovornu kaznu u iznosu od 0,1% od ukupne vrijednosti ugovora bez PDV-a.

Ukupna vrijednost ugovorne kazne koja se plaća ne može iznositi više od 10% od ukupne vrijednosti Ugovora.

## Član 15.

Ukoliko isporuka kasni duže od 60 dana, Ugovorni organ zadržava pravo jednostranog raskida Ugovora.

Razlog za raskid Ugovora može biti stečaj, likvidacija ili drugi oblik prestanka postojanja Prodavca ili više sile.

## Član 16.

Ugovorne strane su dužne u roku od sedam dana obavijestiti drugu stranu o nastupanju razloga zbog kojih se ne može realizovati ovaj Ugovor.

## X PRIJELAZNE I ZAVRŠNE ODREDBE

### Član 17.

Na sva pitanja koja nisu regulisana ovim Ugovorom, a pojave se prilikom njegove realizacije primjenjivat će se odgovarajuće odredbe Zakona o obligacionim odnosima.

### Član 18.

Ugovorne strane su saglasne da će sve nesuglasice i sporove, koji eventualno mogu da proisteknu iz ovog Ugovora, prvenstveno nastojati riješiti sporazumno, a ukoliko, iz ma kog razloga, to ne budu moguće, nadležan je Općinski sud u Sarajevu.


### Član 19.

Ovaj Ugovor stupa na snagu danom njegovog potpisivanja od strane ovlaštenih predstavnika Prodavca i Ugovornog organa, i isti će se primjenjivati do izvršenja svih pojedinačnih obaveza predviđenih ovim Ugovorom.

### Član 20.

Ugovor je sačinjen u 4 (četiri) istovjetna primjerka, od kojih svaka od ugovornih strana zadržava po 2 (dva) potpisana i ovjerena primjerka.

**ALPHACHROM d.o.o.**  
**DIREKTORICA**



**ALPHACHROM**  
doo SARAJEVO, Podgorica

Ajla Kadrić

Broj: 1063 /19  
Sarajevo, 13.06.2019.godine

**J.U. ZAVOD ZA JAVNO ZDRAVSTVO**  
**KANTONA SARAJEVO**  
**DIREKTORICA**



Prof.dr. med.sci. Aida Pilav

Broj: 05-12-100-3144-Ugovor/19  
Sarajevo, 06.06.2019.godine